

中國史學叢書

吳丕績編著

江淹年譜

商務印書館發行

中國史學叢書

江

淹

年

譜

吳丕績編著

商務印書館發行

中華民國二十七年七月初版

(1938.2)

中國史學叢書 江淹年譜 一冊

每冊實價國幣肆角伍分


外埠酌加運費隨費

編著者 吳丕績

發行人 王雲五
長沙南正路

印刷所 商務印書館
長沙南正路

發行所 商務印書館
各埠



徐序

夫以揚芬摘藻。擅建安七子之風裁。抽祕逞研。導江左六朝之文軌。擲地而聲鏘金石。響奏淵淵。挾天而采煥雲緄。光騰曄曄。陳思王之速藻。誇七步以成章。張平子之雄才。鍊十年而作賦。莫不蜚聲薶苑。拔戟文壇。枚速馬工。各抒襟袍。斑香宋豔。並祖風騷者矣。迺有宋代名流。考城碩彥。高陽帝之玄冑。南沙令之佳兒。早歲孤貧。每采薪以養母。通經淹貫。爰入幕而爲師。其初授始安王以經書。年纔弱冠。其繼佐建平王爲保傅。寃坐受金。獄內上書。悲壯吐鄒陽之氣。廷中對策。雄深據賈誼之文。以上第舉秀才。在藩封升常侍。旣而宦遊楚地。言陟荆山。傷抱璞之卞和。弔懷沙之正則。哀千里而賦思鄉國。匪徒別恨流傳。散五刑而教示閭閻。毋使重輕刺謬。讓刺史旣爲疏表。拜將軍迭奏本章。未幾建鎮朱方。近連白下。效王式爲詩諫。十五首隱諷強藩。媿陳實作宰官。億萬家羣叨仁宇。三年花縣。徧留大令循聲。一寺蕭山。云是先生別業。以道書爲消遣。借名勝爲留題。歷遊閩浙舊區。南方炎火。迢隔江淮故里。北地雲烟。迨其後參軍事於竟陵。蒙見知於齊帝。料沈攸之必敗。代撰檄文。與孔德璋齊名。對掌辭筆。於

時一朝國史。檀超曾忝同修。十志宏文。王儉謬加駁斥。由是出爲廬陵內史。入爲尚書左丞。凡一切朝廷詔敕之文。與夫郊廟升歌之什。經其手製。妙出心裁。迨至白簡親彈。洎御史中丞之貴。黃堂晉擢。膺宣城太守之尊。內轉侍郎。並任步兵校尉。榮躋祕監。飽窺中禁奇書。無何。齊政不綱。梁基肇始。識時務。乃爲俊傑。洊升吏部尚書。由佐命而作元勳。並拜將軍左衛。赫赫乎以臨沮之伯。改封醴陵之侯焉。於序。寺渚停舟。錦旣還夫張載。冶亭下榻。筆又索於景純。詩句不研。世嘲才盡。賦情亦賈。人謂夢徵矣。華亭吳偉治姪孫倩。嗜古成癖。耽書若癡。靈芬夙羨乎文通。往籍參稽乎蕭選。數梁書南都名士。輟謝凌顏。緬竟陵西邸勝流。含任吐沈。搜本集擷摭十卷。每提要而鉤元。景名賢俛仰千秋。乃旁搜而遠紹。於是考其出處。點露晨鈔。綜厥生平。燃脂夕校。輯爲年譜。比孟堅敍傳而加詳。津逮儒林。數玄晏撫言而作序。乙亥夏五月。青溪徐愼侯序。

王序

年譜之作。論者以爲始於宋之呂大防。然予讀北堂書鈔。引皇甫士安元晏春秋曰。謚年十七。未通經史。太平御覽亦引十二月乙丑夕。夢至京師。又云。十七年子長七尺四寸。又曰。夏四月。余瘡於河南。皆繫以年月。其年譜之權輿乎。繼知章達之已言之似非始於宋人矣。其學至近世而寢盛。初不過附庸於文集。後乃蔚爲大觀。知人論世。莫善於此。予嘗謂作譜取材。蓋有二難。一難於過少。一難於過多。少則難於鉤稽。多則難於別擇。若汪中之於賈生。蘇輿之於董子。雖極鑽研之功。而所獲至尠。則害於少也。那彥威王昶之於阿文成。黎庶昌之於曾文正。徒以奏議充塞。阿譜竟至三十餘卷。則害於多也。惟能者爲能以至少擴爲至豐。若孫君隘堪之二妙譜是已。以至多別爲至精。若王懋竑之朱子譜是已。而尤以材少爲難能。昔嘗爲孫君言之。並及作譜所昉。孫君以爲知言。近乃見其弟子吳丕績偉治江鮑兩譜。自謂翻帙故籍。至三千卷。徵引至數十種。體例略放顧氏溫公譜。然溫公事實彰著。顧氏猶爲其易。江鮑則史跡無幾。鮑且附於他傳。所存文集。亦非完帙。不續獨能鉤於九幽之中。彙之白日之下。其難易蓋

非顧氏所得同日而語矣。惜乎隘。不能見而論定之也。不續續學能文。亦嘗開業於予。爲喜而序之。如此。民國二十六年三月王遽常序。

自序

醴陵年譜一卷。爲梁江文通先生作也。予夙好文章。尤耽麗體。握睇籀諷。於此蓋有年矣。夫駢偶之作。盛極六朝。世之學者。莫不同祖庾徐。上規任沈。此四賢者。或辭采特長。得齊名之譽。或詩文並茂。稱當世之模。其研鍊通神。清綺絕俗。洵足以振采一時。騰芳百世。若我於先生。蓋有偏嗜焉。先生之詩。鍾磔品評。謂其筋力於王微。成就於謝朓。雜擬之製。衆體兼該。騷賦諸篇。別裁藻雅。固已陵鏤時彥。度越前英矣。其文則墜心危涕。互文見其新奇。鏘珮耀纓。造語工其雕潤。是故齊梁之際。凡典令詔冊。靡不出自先生也。予久契於心。藏之篋衍。每花晨月夕。餐挹其清芬。彈琴詠詩。懷慕其高趣。有龍門旣見著書。欲觀行事之意。間往隘堪師許請示。師語之曰。子輿氏有言。誦其詩。讀其書。不知其人可乎。是以論其世也。昔者聞人。多有年譜。若王質栗里之編。安禮柳州之錄。皆能撮其生平。傳彼梗概。誠合乎知人論世之旨矣。子其樂爲之乎。於是鉤稽歲時。參徵史傳。並據其自序。取以編纂。庶幾可得而譜焉。先生當在蒙童。卽傾乾蔭。邈過庭之訓。靡獲鯉趨。廣循陔之章。能知烏哺。南史稱初淹年十三。孤貧。常采薪以

養母。斯固貧而能孝者矣。逮乎弱冠。授經子真。是則長沙妙歲。已傳博士之名。桂陽衡文。早識茂才之異。及其入建平幕也。以爲諸侯上賓。可以鵬舉凌霄。鳳鳴當代。無如劉安好學。偏蓄異謀。左徒効忠。乃至放逐。能無慨哉。厥後南閩出宰。篇籍自娛。東霸受禪。筆翰頻掌。亦所云旣非雅好。辭不獲命而已。蓋其爲人也。唯求適性。常願幽居。企園吏之逍遙。信柱史之清淨。立言非樂。澹忘身後之名。伏臘得資。便作萌外之隱。其志高潔。故謂常慕司馬長卿梁伯鸞之徒。未能悉行。良可傷已。擬之三代。無取旁行。述其一生。庶成實錄。撰爲斯譜。用備覽觀。特惜十卷之文。永明爲斷。晚歲所作。鮮所載錄。若乃先生戚友。如謝主簿謝中書。以及外兵舅刑獄舅諸人。文采磨滅。名字不存。當時事蹟。搜訪無聞。則爲之耿耿云。癸酉冬十月。雲間吳丕績自序。

江淹年譜

宋文帝元嘉二十一年甲申

公元四四四年

先生一歲

先生名淹。字文通。濟陽考城人。其先蓋帝高陽也。祖耽。丹陽令。父康之。南沙令。母劉氏。

不續案。梁書本傳云。天監四年卒。時年六十二。以此上推。先生當生於文帝元嘉二十一年。錢大

昕疑年錄吳榮光歷代名人年譜並同

又案。先生傷愛子賦云。緬吾祖之赫義。帝高陽之玄胄。

又案。文選李善注引劉璠梁典曰。祖耽。丹陽令。父康之。南沙令。南史本傳云。父康之。南沙令。今稽之宋書及南齊書俱無傳。其事蹟蓋不可考云。

又案。宋書州郡志。南徐州濟陽郡領考城鄆城二縣。濟陽晉惠分陳留爲濟陽國。領縣二。南齊書州郡志云。建武三年省考城。前漢曰留。屬梁國。章帝始更名。逮郡省度屬魯。尋又省。嘉慶一

統志不詳。李兆洛地理志韻編云。其地當今江蘇境。

又案。梁書南史劉昭傳。皆有外兄江淹。早相稱賞語。以南史阮孝緒傳外兄王晏例之。所謂外兄者。中表兄弟也。蓋孝緒父胤之姊爲王晏母。是晏之母出於阮。而文通之母當爲劉氏矣。

又案。劉昭字宣卿。平原高唐人。天監初起家奉朝請。累遷征北行參軍。尚書倉部郎。除無錫令。歷爲宜惠豫章王中軍。臨川王記室。遷通直郎。出爲剡令。卒官。

又案。是年齊高帝蕭道成十七歲。沈約二歲。豫章王蕭嶷及張融生。

二十二年乙酉 四四
五

二歲

二十三年丙戌 四四
六

三歲

二十四年丁亥 四四
七

四歲

二十五年戊子四八

五歲

不續案。是年桂陽王休範巴陵王休若及孔稚珪生。

又案。宋書桂陽王休範文帝第十八子。大明元年。改封桂陽王。元徽二年。反攻建康。蕭道成擊斬之。時年二十七。巴陵王休若文帝第十九子。孝建三年封巴陵王。泰始七年七月七日賜死。

二十六年己丑四九

六歲

是時先生已能詩。自序云。六歲能屬詩。

二十七年庚寅五十四

七歲

二十八年辛卯五十一

八歲

不續案。是年范雲生。

二十九年壬辰_{四五}

九歲

不續案。是年建平王景素生。景素建平宣簡王宏之子也。宋書宣簡傳云。景素少愛文義。有父風。大明四年。爲寧朔將軍南濟陰太守。元徽四年反。倪奴禽斬之。時年二十五。

三十年癸巳_{四五}

十歲

不續案。是歲帝爲太子劭所弑。劭自立。夏。武陵王駿起兵討之。五月。劭伏誅。駿卽位。是爲孝武帝。

孝武帝孝建元年甲午_{四五}

十一歲

二年乙未_{四五}

十二歲

三年丙申

四五

十三歲

是年先生父康之卒。家甚貧。先生常采薪以養母。

不續案。自序云。十三而孤。邈過庭之訓。知其父卒。於是年。南史亦云。初淹年十三時。孤貧。常采薪以養母。

又案。是年休若封巴陵王。顏延年卒。年七十三。

大明元年丁酉

四五

十四歲

不續案。是年始安王子真生。宋書孝武十四王傳。始安王子真。字孝貞。孝武帝第十一子。大明五年封始安王。泰始二年賜死。時年十歲。

又案。是年休範改封桂陽王。

二年戊戌四五

十五歲

三年己亥四五

十六歲

時先生博覽羣書。不事章句之學。頗留精於文章。所誦讀者蓋二十萬言。而愛奇尙異。深沉有遠識。常慕司馬長卿梁伯鸞之徒。未能悉行。見自序傳

四年庚子四六

十七歲

不續案。是年子鸞封新安王。竟陵王子良及任防生。

五年辛丑四六

十八歲

不續案。是年子真封始安王。食邑二千戶。仍爲輔國將軍吳興太守。

六年壬寅_{四六}

十九歲

不續案。是年劉峻生。

七年癸卯_{三六}

二十歲

是年先生入始安王幕。授王以五經。尋王遷征虜將軍南彭城太守。領石頭戍事。先生隨之任。

不續案。自序云。弱冠以五經授宋始安王劉子真。略傳大義。是則先生年二十始出爲始安王傅。其事甚明。乃文選李善注引劉璠梁典江淹年二十。以五經授宋建平王景素。待以客禮云云。其言殆不足信。考梁書及南史本傳。於先生年二十授建平王五經等事。均未道及。自序既云弱冠以五經授始安王劉子真。則劉氏之稱建平。自是始安之誤也。

又案。宋書孝武本紀。大明七年五月乙亥。輔國將軍始安王爲廣州刺史。始安本傳云。不至鎮。遷征虜將軍南彭城太守。領石頭戍事。則始安之爲南彭城太守時。在五月乙亥後矣。先生有

侍始安王石頭及征虜始安道中詩二首疑卽是時所作。

又案宋書州郡志南徐州南彭城太守江左僑立晉明帝又立南下邳郡成帝又立南沛郡文帝元嘉中分南沛爲北沛屬南兗而南沛猶屬南徐孝武大明四年以二郡並併南彭城嘉慶一統志闕李兆洛地理志韻編云當在江蘇鎮江府境

八年甲辰

四六

二十一歲

丕續案是年閏五月庚申武帝殂太子子業立明年改元景和

又案是年梁武帝蕭衍生於秣陵縣同夏里三橋宅邱遲生

明帝泰始元年乙巳

四六
五

二十二歲

秋九月庚子始安王爲南兗州刺史先生爲作始安王拜征虜將軍丹陽尹章拜征虜南兗州刺史章